

II

Za realizaciju ove Odluke zadužuju se Ministarstvo finansija i Kabinet Premijera.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-29664-1/15  
13. novembra 2015. godine  
Sarajevo

Premijer  
**Elmedin Konaković, s. r.**

**Ministarstvo za obrazovanje, nauku i mlade**

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federaciji BiH", broj 35/05) i člana 181. Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09, 48/10 i 18/13), a u vezi sa članom 5. Pravilnika o stjecanju zvanja vozača - instruktora motornih vozila ("Službeni glasnik BiH", broj 15/07, 41/07), ministar za obrazovanje, nauku i mlade Kantona Sarajevo donosi

**PRAVILNIK**

**O PROVOĐENJU POSLOVA IZ PRAVILNIKA O  
STJECANJU ZVANJA VOZAČA - INSTRUKTORA  
MOTORNIH VOZILA**

OPĆE ODREDBE

Član 1.

(Osnovne odredbe)

- (1) Ovim Pravilnikom propisuje se način organiziranja pripreme nastave i polaganja ispita za kandidate za sticanje zvanja instruktor vožnje, uvjeti i visina troškova i naknada u vezi sa poslovima provođenja Pravilnika o stjecanju zvanja vozača-instruktora motornih vozila ("Službeni glasnik BiH", broj 15/07,41/07), način vođenja evidencije u vezi sa ovim poslovima, te se propisuju i preciziraju ostali uvjeti koji nisu u potpunosti utvrđeni ili definirani drugim relevantnim propisima.

JAVNI POZIV

Član 2.

(Javni poziv)

- (1) Ministar za obrazovanje, nauku i mlade Kantona Sarajevo (u daljnjem tekstu: Ministar), tri puta u toku jedne kalendarske godine i to martu, maju i septembru, objavljuje javni poziv za stjecanje zvanja instruktora vožnje.
- (2) Javni poziv iz prethodnog stava obavezno sadrži:
  - a) Uvjete koje kandidat treba ispunjavati za osposobljavanje i polaganje ispita za stjecanje zvanja instruktor vožnje;
  - b) Popis oblasti iz kojih se održava priprema nastava i ispiti;
  - c) Mjesto i vrijeme održavanja pripreme nastave i ispita;
  - d) Visinu naknade kandidata za pripremu nastave i ispita;
  - e) Listu dokumenata koje je neophodno dostaviti uz aplikaciju;
  - f) Druga relevantna pitanja.

Član 3.

(Procedure po javnom pozivu)

- (1) Provođenje procedure po javnom pozivu iz člana 2. ovog Pravilnika je u nadležnosti Ministarstva.
- (2) Prijave (Prilog br. 1) sa propisanom dokumentacijom dostavljaju se u zatvorenoj koverti, sa naznakom "Prijava na

javni poziv za stjecanju zvanja instruktor vožnje - ne otvaraj", na adresu: Ministarstvo za obrazovanje, nauku i mlade Kantona Sarajevo, ulica Reisa Džemaludina Čauševića broj 1. u skladu sa naznačenim rokovima iz javnog poziva.

PRIPREMNA NASTAVA, ISPITI I TROŠKOVI

Član 4.

(Priprema nastava)

- (1) U okviru provođenja procedure javnog poziva Ministarstvo za obrazovanje, nauku i mlade Kantona Sarajevo (u daljnjem tekstu: Ministarstvo), za kandidate koji steknu uvjete za polaganje ispita za stjecanje zvanja instruktor vožnje, organizira pripremu nastave u skladu sa programom koji donosi Ministar, na osnovu Jedinstvenog plana i programa za Bosnu i Hercegovinu datog u članu 2. Pravilnika o stjecanju zvanja vozača-instruktora motornih vozila ("Službeni glasnik BiH", broj 15/07 i 41/07).
- (2) Osposobljavanje/priprema se vrši putem obavezne pripreme nastave koja ukupno traje 45 sati i to:
  - a) Poznavanje propisa o sigurnosti saobraćaja na putevima . . . . . 15 sati,
  - b) Saobraćajna psihologija . . . . . 10 sati,
  - c) Pedagogija - metodika vožnje . . . . . 10 sati,  
(8 sati teoretskog dijela i 2 sata praktičnog dijela - metodike vožnje, kao pripremu za polaganje praktičnog dijela ovog ispita i ispita iz upravljanja motornim vozilom)
  - d) Poznavanje motornih vozila, uređaja i opreme . . . 10 sati.
- (3) Osposobljavanje/priprema se vrši po grupama u zavisnosti od oblasti pripreme nastave i to:

u grupi do 30 kandidata za oblasti:

  - a) Poznavanje propisa o sigurnosti saobraćaja na putevima.
  - b) Saobraćajna psihologija.
  - c) Pedagogija - metodika vožnje - teoretski dio.
  - d) Poznavanje motornih vozila, uređaja i opreme.

U grupi do 3 kandidata za Pedagogija - metodika vožnje - praktični dijela - metodike vožnje, kao pripremu za polaganje praktičnog dijela ovog ispita i ispita iz upravljanja motornim vozilom.
- (4) O održavanju pripreme nastave vodi se Dnevnik (Prilog br. 2).

Član 5.

(Potvrda o završenom osposobljavanju za polaganje ispita za instruktora vožnje)

- (1) Nakon završetka pripreme nastave Ministarstvo izdaje propisanu potvrdu, za koju se vodi posebni registar.
- (2) Kandidati koji prisustvuju na najmanje 80% od predviđenih časova za svaku oblast pojedinačno stiču pravo na izdavanje potvrde iz prethodnog stava.

Član 6.

(Ispit)

- (1) Ispitu za stjecanje zvanja instruktor vožnje mogu pristupiti isključivo kandidati kojima je izdata Potvrda iz člana 5. ovoga Pravilnika.
- (2) Ispit za stjecanje zvanja instruktor vožnje obuhvata polaganje iz:
  - a) Poznavanje propisa o sigurnosti saobraćaja na putevima - polaže se pismeno i usmeno.
  - b) Saobraćajna psihologija - polaže se usmeno.
  - c) Pedagogija - metodika vožnje - polaže se usmeno i praktično.

- d) Poznavanje motornih vozila, uređaja i opreme - polaže se usmeno.
- e) Upravljanje motornim vozilom - polaže se praktično.

Član 7.

(Troškovi za osposobljavanje i polaganje ispita)

- (1) Troškovi osposobljavanja iz jedne oblasti pojedinačno, koje je kandidat za dobijanje dozvole za instruktora vožnje obavezan polagati u skladu sa čl. 4. i 9. Pravilnika o sticanju zvanja vozača-instruktor motornih vozila uključuju:
  - a) osposobljavanje putem pripreme nastave iz člana 4. ovog Pravilnika,
  - b) polaganje ispita i
  - c) odgovarajuću literaturu-priručnik i obrasce.
- (2) Na ime troškova iz prethodnog stava ovoga člana, kandidat za instruktora vožnje uplaćuje slijedeće iznose po oblasti:
  - a) Poznavanje propisa o sigurnosti saobraćaja na putevima - 200 KM;
  - b) Saobraćajna psihologija - 150 KM;
  - c) Pedagogija - metodika vožnje - 200 KM;
  - d) Poznavanje motornih vozila, uređaja i opreme - 150 KM;
  - e) Upravljanje motornim vozilom - za A i B kategoriju i odgovarajuće potkategorije 150 KM, za svaku narednu kategoriju cijena se uvećava za 20% u odnosu na prethodnu.
- (3) Kandidat za instruktora vožnje iz upravljanja motornim vozilom koji polaže ispit za potkategorije/kategorije D1E, DE, C1E, CE i BE, ispit polaže posebno za svaku kategoriju/potkategoriju - cijena po ispitu 100 KM).
- (4) Kandidat za instruktora vožnje prvo uplaćuje troškove za eliminatorni ispit iz Poznavanja propisa o sigurnosti saobraćaja na putevima u iznosu od 200 KM i troškova za pripremu nastavu iz ostalih oblasti koje je kandidat obavezan polagati u iznosu od 50 KM po oblasti pripreme nastave.
- (5) Nakon položenog eliminatornog ispita iz Poznavanja propisa o sigurnosti saobraćaja na putevima, kandidat koji želi nastaviti polaganje ispita je obavezan uplatiti razliku sredstava do cijena datih u stavu (2) ovoga člana.

Član 8.

(Oslobađanje dijelova ispita)

- (1) Pravo na oslobađanje od pripreme nastave i polaganja dijelova ispitnih cjelina imaju kandidati koji zadovoljavaju uvjete iz čl. 4. i 9. Pravilnika o stjecanju zvanja vozača-instruktor motornih vozila ("Službeni glasnik BiH", broj 15/07 i 41/07).

Član 9.

(Uvjeti, nepristupanje, odustajanje i redosljed ispita)

- (1) Uvjeti u kojima se obavlja ispit, nepristupanje ispitu, odustajanje od ispita redosljed polaganja ispita i ostvarivanje uvjeta za nastavak ispita, kao i sadržaj listića sa pitanjima su definisani čl. 10., 11., 12., 13., 14., 15. i 16. Pravilnika o stjecanju zvanja vozača-instruktor motornih vozila ("Službeni glasnik BiH", broj 15/07 i 41/07).

Član 10.

(Zapisnik o ispitima)

- (1) O polaganju ispita vodi se Zapisnik na posebnom obrascu koji je propisan Pravilnikom o stjecanju zvanja vozača-instruktor motornih vozila ("Službeni glasnik BiH", broj 15/07,41/07).

Član 11.

(Ponovno polaganje)

- (1) Kandidat koji ne položi pismeni dio ispita - test poznavanja, propisa o sigurnosti saobraćaja na putevima, tj. ima manje od 90% od ukupnog broja mogućih bodova na testu ne može pristupiti polaganju usmenog dijela ispita iz ove ispitne oblasti i smatrat će se da ovaj ispit nije položio.
- (2) Kandidat koji položi pismeni dio ispita - test poznavanja propisa o sigurnosti saobraćaja na putevima, tj. ima najmanje 90% od ukupnog broja mogućih bodova na testu stekao je uvjete za polaganje usmenog dijela ispita iz ove ispitne oblasti.
- (3) Kandidat koji ne položi usmeni dio ispita iz poznavanja propisa o sigurnosti saobraćaja na putevima, ne može pristupiti polaganju ispita iz ostalih oblasti i smatrat će se da ispit nije položio. Kandidat ima pravo ponovnog polaganja u prvom slijedećem ispitnom roku koji bude organiziran u skladu sa prvim narednim javnim pozivom.
- (4) Kandidat koji u cijelosti položi ispit iz poznavanja propisa o sigurnosti saobraćaja na putevima, a ne položi ispit iz nekih drugih oblasti koji je u skladu sa članom 6. ovog Pravilnika obavezan polagati, može ponoviti polaganje ispita iz tih oblasti dva puta, a ako ni tada ne položi smatrat će se da nije položio ispit u cjelini.
- (5) Kandidat koji iz tri pokušaja ne položi ispit iz neke od ispitnih cjelina, ima pravo pristupiti ponovnom polaganju ispita godinu dana nakon posljednjeg neuspjelog polaganja.

Član 12.

(Popravni rok)

- (1) U izuzetnim okolnostima, odnosno za grupu od minimalno 5 kandidata koji ne polože neki od ispita iz člana 7. ovoga Pravilnika, Ministarstvo može organizirati popravni rok.
- (2) Kandidati koji žele pristupiti popravnom roku, obavezni su dostaviti obrazac Prijave iz člana 3. ovoga Pravilnika i uplatnicu na ime polaganja određenog ispita.
- (3) Popravni rok se računa kao ponovno polaganje ispita iz člana 11. ovoga Pravilnika.

PRIGOVOR I ŽALBA

Član 13.

(Prigovor na ocjenu ispita)

- (1) Kandidat koji nije zadovoljio na ispitu, ima pravo pismenog prigovora u roku od tri dana od dana zvaničnog saopštavanja ocjene ispita.
- (2) O prigovoru odlučuje predsjednik i komisija za polaganje ispita u roku od tri dana od dana prijema prigovora.
- (3) Protiv odluke komisije kandidat ima pravo žalbe Ministru u roku od osam dana od dana prijema odluke.
- (4) Ukoliko Ministar odluči da je žalba osnovana, predsjednik komisije organizira ponovno polaganje ispita pred novom komisijom od dva ispitivača čija stručnost zadovoljava uvjete iz Pravilnika o stjecanju zvanja vozača-instruktor motornih vozila ("Službeni glasnik BiH", broj 15/07 i 41/07), bez obaveze kandidata za plaćanje troškova ispita.

UVJERENJE I DOZVOLA ZA INSTRUKTORA VOŽNJE

Član 14.

(Uvjerenje i evidentiranje)

- (1) Kandidatu koji je položio ispit za instruktora vožnje. Ministarstvo u roku od 15 dana izdaje uvjerenje o položenom ispitu.
- (2) Ministarstvo vodi registar o položenim ispitima i izdatim uvjerenjima za instruktora vožnje.

Član 15.

(Dozvola i evidentiranje)

- (1) Na osnovu uvjerenja iz prethodnog stava Ministar u roku od 30 dana izdaje odgovarajuću dozvolu.
- (2) Dozvola instruktora vožnje izdaje se na period važenja od 5 godina, sa pravom produženja.
- (3) Sadržaj i izgled dozvole je propisan čl. 23. Pravilnika o stjecanju zvanja vozača-instruktora motornih vozila ("Službeni glasnik BiH", broj 15/07 i 41/07).
- (4) Ministarstvo vodi registar o izdatim dozvolama instruktora vožnje.

EDUKACIJA INSTRUKTORA VOŽNJE I PRODUŽENJE  
DOZVOLA ZA INSTRUKTORA VOŽNJE

Član 16.

(Program stručnog usavršavanja)

- (1) S ciljem obezbjeđivanja potrebnih uvjeta za produženje dozvole propisanih u članu 22. Pravilnika o stjecanju zvanja vozača-instruktora motornih vozila ("Službeni glasnik BiH", broj 15/07 i 41/07), Ministarstvo će svake godine u mjesecu maju i oktobru organizirati seminare za stručno usavršavanje koji podrazumijevaju informiranje o svim novim kretanjima u ovoj oblasti relevantnih za stručnu nadgradnju instruktora vožnje.
- (2) Ministarstvo može ovlastiti neku od strukovnih organizacija da organizira neki od ovih seminara.
- (3) O organiziranju seminara Ministarstvo objavljuje poziv za instruktore vožnje u čijem prilogu se nalazi obrazac Prijave (Prilog br. 3).
- (4) Uz prijavu, instruktori vožnje obavezni su dostaviti uplatnicu na iznos od 40 KM za svrhu prisustva seminaru.
- (5) Obaveza instruktora vožnje je da prisustvuje na najmanje tri seminara u roku važenja njegove dozvole.
- (6) O učešću na seminaru Ministarstvo izdaje odgovarajuću potvrdu propisanu Pravilnikom o stjecanju zvanja vozača-instruktora motornih vozila ("Službeni glasnik BiH", broj 15/07 i 41/07).

Član 17.

(Produženje dozvola i evidentiranje)

- (1) Produženje važenja dozvole za instruktora vožnje, čiji je rok važenja istekao, kao i evidentiranje novih kategorija i potkategorija nakon uspješnog položenog ispita, podrazumijeva njenu zamjenu za novu dozvolu propisanu članom 23. Pravilnika o stjecanju zvanja vozača- instruktora motornih vozila ("Službeni glasnik BiH", broj 15/07 i 41/07).
- (2) Uz zahtjev (Prilog br. 4) za produženje važnosti stare dozvole prilaže se:
  - a) ovjerena fotokopija stare dozvole za vozača-instruktora,
  - b) ljekarsko uvjerenje o zdravstvenoj sposobnosti ne starije od dva mjeseca,
  - c) dvije fotografije (30x35),
  - d) ovjerena fotokopija lične karte,
  - e) ovjerena fotokopija vozačke dozvole,
  - f) potvrde Ministarstva za obrazovanje, nauku i mlade o učestvovanju na stručnim usavršavanjima,

g) dokaz o uplati troškova izdavanja-zamjene dozvole u iznosu od 40 KM.

- (4) Podnosiocu zahtjeva za produženje važnosti stare dozvole, koji ispunjava sve uvjete propisane zakonom i ovim Pravilnikom, izdaje se nova dozvola instruktor vožnje sa rokom važnosti od pet godina.
- (5) Pri preuzimanju nove dozvole, lica iz prethodnog stava su dužna predati originalnu staru dozvolu instruktor vožnje.
- (6) Ministarstvo vodi registar o produženju dozvola za instruktora vožnje.

ISPITNA KOMISIJA I NAKNADE

Član 18.

(Imenovanje ispitne komisije)

- (1) Ispit za stjecanje zvanja instruktor vožnje polaže se pred komisijom koju imenuje Ministar posebnim rješenjem za svaki ispitni rok.
- (2) Stručni sastav komisije obavezno odražava uvjete propisane članom 18. Pravilnika o stjecanju zvanja vozača-instruktora motornih vozila ("Službeni glasnik BiH", broj 15/07 i 41/07).

Član 19.

(Naknade za članove komisije)

- (1) Naknade članovima ispitne komisije za obavljene poslove po rješenju iz čl. 4 i 6. ovoga Pravilnika, utvrđuju se kako slijedi:
  - a) Čas pripreme nastave u jednoj grupi - 20 KM;
  - b) Predsjedniku ispitne komisije - fiskni iznos naknade se utvrđuje u Rješenju o imenovanju predsjednika Komisije.
  - c) Ispitivaču iz oblasti:
    - Poznavanje propisa o sigurnosti saobraćaja na putevima - 20 KM po kandidatu,
    - Poznavanje motornih i priključnih vozila - 15 KM po kandidatu,
    - Metodika vožnje - praktični dio - 15 KM po kandidatu,
    - Pedagogija - 15 KM po kandidatu,
    - Saobraćajna psihologija - 15 KM po kandidatu.
    - Upravljanje motornim vozilom - 15 KM po kandidatu.
- (2) Evidenciju o održanim ispitima, relevantnu za obračun troškova, vodi predsjednik Komisije i dostavlja odgovarajuću službi Ministarstva na realizaciju.

PRIJELAZNE ODREDBE

Član 20.

(Stupanje na snagu)

- (1) Ovaj Pravilnik stupa na snagu danom donošenja i bit će objavljen u "Službenim novinama Kantona Sarajevo".
- (2) Stupanjem na snagu ovoga Pravilnika, prestaje da važi Pravilnik o uslovima i visini naknade u vezi sa poslovima pravilnika o sticanju zvanja vozača-instruktora motornih vozila ("Službene novine Kantona Sarajevo", broj 36/07 i 7/11).

Broj 11-08-12.71/15  
02. novembra 2015. godine

Ministar

Prof. dr. Elvir Kazazović, s. r.



Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje, nauku i mlade



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education, Science and Youth

**PRIJAVA**  
**NA JAVNI POZIV**  
**ZA STICANJE ZVANJA INSTRUKTORA VOŽNJE**

Prilog br. 1

U skladu sa čl. 2., 3., 4., 5., 6., 7. i 9. Pravilnika o sticanju zvanja vozača-instruktor motornih vozila („Službeni glasnik Bosne i Hercegovine“, broj 15/07 i 41/07), prijavljujem se za obuku i polaganje ispita za instruktora vožnje iz sljedećih oblasti:

- Poznavanje propisa o bezbjednosti saobraćaja,  
 Upravljanje motornim vozilom  
 Poznavanje motornih vozila, uređaja i opreme  
 Saobraćajna psihologija  
 Pedagogija-metodika vožnje

(U kućicu ispred navedenog ispita koji je neophodno polagati u skladu sa Pravilnikom upisati \*)

**O sebi dajem sljedeće podatke:**

1	Ime i prezime	
2	Ime jednog roditelja	
3	Datum, mjesto rođenja i JMBG	
4	Broj lične karte	
5	Državljanstvo	
6	Zanimanje	
7	Adresa stanovanja i broj telefona	
8	Za koju kategoriju polaže ispit	
9	Da li je za istu kategoriju već polagao/la ispit, koliko puta?	
10	Za koju kategoriju vozila posjeduje vozačku ili dozvolu vozač-instruktor, kada je i pod kojim brojem izdata?	

Uz prijavu prilažem, **navedenim redom**, dokumentaciju propisanu tačkom II Javnog poziva.

U .....  
..... godine

Podnosilac prijave,  
.....

## PRIJAVA

Redni broj registra .....

### Za polaganje ispita za instruktora vožnje

- Poznavanje propisa o bezbjednosti saobraćaja,  
 Upravljanje motornim vozilom  
 Poznavanje motornih vozila, uređaja i opreme  
 Saobraćajna psihologija  
 Pedagogija-metodika vožnje  
 (U kućicu ispred navedenog ispita koji je neophodno polagati u skladu sa Pravilnikom upisati \*)

### KANTON SARAJEVO MINISTARSTVO ZA OBRAZOVANJE, NAUKU I MLADE

Molim da mi se odobri polaganje ispita za instruktora vožnje.  
Podaci o podnosiocu prijave:

1	Ime i prezime	
2	Ime jednog roditelja	
3	Datum, mjesto rođenja i JMBG	
4	Državljanstvo	
5	Zanimanje	
6	Adresa stanovanja i broj telefona	
7	Za koju kategoriju polaže ispit	
8	Način pripremanja za ispita	
9	Da li je za istu kategoriju već polagao/la ispit, koliko puta?	
10	Za koju kategoriju vozila posjeduje vozačku ili dozvolu vozača-instruktor , kada je i pod kojim brojem izdata?	
11	Da li je podnosiocu prijave izrečena mjera zabrane izdavanja, odnosno oduzimanja vozačke dozvole, ako jest od koga i za koje vrijeme?	

Uz prijavu prilažem dokumentaciju propisanu pravilnikom i to:

1. dokaz o ispunjavanju uslova iz člana 3. Pravilnika,
2. potvrdu o obavljenom osposobljavanju,
3. dokaz o plaćenim troškovima za polaganje ispita i
4. ovjerenu fotokopiju vozačke dozvole.

U .....  
..... godine

Podnosilac prijave,  
.....

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje, nauku i mlade



Prilog br. 2  
Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education, Science and Youth

# DNEVNIK

## O IZVOĐENJU OBUKE ZA OSPOSOBLJAVANJE ZA ZVANJE INSTRUKTOR VOŽNJE

Grupa broj: .....		Broj kandidata: .....	
Datum i broj časova	Nastavna oblast i sadržaj	Odsutni kandidati	Potpis predav.
Datum: ..... Broj časova: .....			
Datum: ..... Broj časova: .....			
Datum: ..... Broj časova: .....			
Datum: ..... Broj časova: .....			

Prilog br. 3**PRIJAVA**

Redni broj registra .....

**ZA „PROGRAM STRUČNOG USAVRŠAVANJA“****KANTON SARAJEVO  
MINISTARSTVO ZA OBRAZOVANJE, NAUKU I MLADE****Prijavljujem se za prisustvovanje „PROGRAMU STRUČNOG USAVRŠAVANJA“****O sebi dajem slijedeće podatke:**

1	Ime i prezime	
2	Ime jednog roditelja	
3	Datum, mjesto rođenja i JMB	
4	Državljanstvo	
5	Zanimanje	
6	Adresa stanovanja i broj telefona	
7	Broj dozvole vozač-instruktor, za koje kategorije/potkategorije je izdata	
8	Vrsta i broj licence	

U .....

..... godine

Podnosilac prijave,

.....



**Prilog br. 4****ZAHTJEV  
Za produženje dozvole za vozača instruktora**

Bosna i Hercegovina  
Federacija Bosne i Hercegovine  
KANTON SARAJEVO  
Ministarstvo za obrazovanje, nauku i mlade

Molim da mi se izvrši produženje postojeće dozvole instruktora vožnje, a o sebi dajem slijedeće podatke:

1	Prezime i ime	
2	Ime jednog roditelja	
3	Datum, mjesto rođenja	
4	JMBG	
5	Broj lične karte	
6	Državljanstvo	
7	Adresa stanovanja i broj telefona	
8	Kategorija koje posjedujem u staroj dozvoli	
9	Kategorija i potkategorija za koju se izdaje nova dozvola	

**Uz zahtjev prilažem slijedeću propisanu dokumentaciju:**

1. ovjerenu fotokopiju stare dozvole za vozača-instruktora,
2. ljekarsko uvjerenje o zdravstvenoj sposobnosti ne starije od dva mjeseca,
3. dvije fotografije (30x35),
4. ovjerenu fotokopiju lične karte,
5. ovjerenu fotokopiju vozačke dozvole,
6. dokaz o uplati troškova izdavanja-zamjene dozvole u iznosu od 40 KM
7. 3 potvrde o odslušanom programu stručnog usavršavanja za vozače-instruktere  
(*zaokružiti broj ispred priložene dokumentacije*)

U .....  
..... godine

Podnosilac zahtjeva

.....